



UNIVERSITÄTS-  
BIBLIOTHEK  
PADERBORN

**LEGVM PON||TIFICIARVM GRE-||gorij noni, seu  
Decretalium pentateu-||chus**

**Mesnart, Martin**

**Parisiis, 1555**

xvii. De emptione & venditione.

---

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

## De empt. & vend.

vinculis adligatus reddere compellitor.

2. *Bona fides.*

Depositarius si rebus suis saluis existentibus depositas amiserit: bona fides abesse præsumitur. Idē, si seipsum deposito obtulerit, aliquid pro ipsa custodia recepit, de colpa quoque tenetur. Si verò pactū, colpa, morave præcesserint casus etiam fortuitus olli imputatur. Depositori pro voluntate sua depositum reuocare licet. Contra hoc nullus cōpensationi locus esto, hec in aliis, si causa ex qua postulabitur liquida erit, & facilem exitum habere credetur, admittitur.

### *De Emptione & Venditione. Tit. 17.*

2. *Vt mensurae.*

**N**VNC & de contractu emptionis & venditionis tractatur. Quæ vt bona fide exercetur, omnes iusta pondera & mensuras habent. Si quis ea easve lucris ergo mutasset: 30 dies in pane & aqua pœniteto.

1. *Placuit*

Item presbyteri plebes suas, vt & hospitales fient, & non carius vendant quàm in mercato possent, admonentur. Alioquin transeuntes ad presbyterum istuc referunt. Illius iussu cum humanitate res ollis venduntur.

4. *Peruenit.*

Quam rem vir vxori donationis titulo propter nuptias concesserit, si eadem consentiente vendiderit: hic emptori iustus possessionis titulus esto. Si per annos triginta constante venditorum matrimonio bona fide sic possederit, & in cōmuneis vsus viri & vxoris venditionis pretium conuorsum erit, & venditionis tempore in viri facultatibus vnde mulier sibi consulat ex-

titerit: super hoc ne inquietator.

Sanè si venditor ultra dimidiam iusti pretii in venditione faciunda deceptus, circumscribitur fiet: emptor aut pretio recepto rem emptam, aut quantum legitime constabit venditionis tempore iusto pretio defuisse restituito. <sup>6. Cū causa.</sup>

Qui enim rē minus dimidia iusti pretii comparavit, si quidem volt, iustum pretium subpleto, aut venditionē rescindito. interim verò hæc teneto. ipsi emptori possessio ne adimitor. Si quid aliud obstabit: contra emptorem proponitor. <sup>3. Cum dilecti.</sup>

Emptor, si venditori post institutum contra se iudicium vt rem sibi venditam defendat nunciare obmiserit, vel tempore promulgatæ sententiæ contumaciter abfuerit, seu si per iniuriã sententia lata erit, de euictione ne agito. <sup>7. Si venditori.</sup>

Cæterum (vt res absoluator) creditor qui mutui datione debitorem habebit obligatū, si mulata emptione nihil in fraudem canonis contra usurarios promulgati cōminiscitor. Et si quod emptionis instrumentum rerum debitoris, quas ab eodem hoc titulo recepit, confectum erit, quo recepta post certum tempus & intra certū spatium summa vix dimidiam iusti earum pretii contingente eas restituere promittet: ex eo reapse contractum usurarium esse ostenditor. Res huiusmodi debitori eiū sive hæredibus per pœnam cōtra usurarios statutam restituere cogitor. <sup>5. Ad notam.</sup>